

20.12.2022թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ՈՐՈՇՈՒՄ թիվ 4913/1/05

ՎԱՐՉԱԿԱՆ ԻՐԱՎԱՆԱԽՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ պետական եկամուտների կոմիտեի իրավաբանական վարչության պետ Ա.Մնացականյանս, քննելով վարչական իրավախախտման վերաբերյալ թիվ 51959 գործը և ուսումնասիրելով վարչական իրավախախտման վերաբերյալ 20.12.2022թ. թիվ 51959 արձանագրությունը,
ՊԱՐԶԵՑԻ

«ԱՍՏԵԽ ԻՆՎԵՍՏԻՄԵՆՏ» ՍՊԸ-ի տնօրեն՝ Մաքսիմ Սարգսյանը (ՀՎՀՀ՝ 01038447, հասցե՝ ՀՀ ք. Երևան Գալշոյան 4 4) ՀՀ Հարկային օրենսգրքի 156-րդ հոդվածի 1-ին մասով սահմանված ժամկետում չի ներկայացրել 2022 թվականի սեպտեմբեր ամսվա եկամտային հարկի հաշվարկը, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169¹ հոդվածի 2-րդ մասով:

Կողմին հայտնաբերելու նպատակով ձեռնարկվել են համապատասխան միջոցներ: Գործում առարկություն կամ բացատրություն առկա չէ:

ՀՀ ՊԵԿ տեղեկատվական համակարգում առկա տվյալների ուսումնասիրության արդյունքում հայտնի է դարձել, որ «ԱՍՏԵԽ ԻՆՎԵՍՏԻՄԵՆՏ» ՍՊԸ-ի տնօրեն՝ Մաքսիմ Սարգսյանը 2022թ-ի սեպտեմբեր ամսվա եկամտային հարկի հաշվարկը ներկայացրել է ՀՀ Հարկային օրենսգրքի 156-րդ հոդվածի 1-ին մասով սահմանված ժամկետից ուշ՝ 11.11.2022թ-ին և հաշվարկից առաջացած վճարման ենթակա գումարը կազմել է ընդամենը 27.300 ՀՀ դրամ:

Հաշվի առնելով վերոգրյալը և նկատի ունենալով, որ վարչական իրավախախտումը ունի նվազ նշանակություն, ուստի ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 21-րդ հոդվածով, 244², 281 հոդվածներով և 282 հոդվածի 1-ին մասի 2-րդ կետով, «Վարչարարության հիմունքների և վարչական վարույթի մասին» ՀՀ օրենքի 8-րդ հոդվածի՝

ՈՐՈՇԵՑԻ

1. Մաքսիմ Սարգսյանին ազատել վարչական պատասխանատվությունից և հայտարարել բանավոր դիտողություն:

2. Մաքսիմ Սարգսյանի վերաբերյալ հարուցված թիվ 51959 վարչական վարույթը կարճել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

(Handwritten signature)



Ա.ՄՆԱՑԱԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն՝

վարչական տույժ նշանակելը վարչական իրավախախտում կատարած անձին չի ազատում այն կարողականության կատարումից, որը չկատարելու համար նշանակվել էր վարչական տույժ (հոդված 40)
Վարչական իրավախախտման վերաբերյալ գործի որոշման դեմ գանգատ կարող է տրվել որոշումն հանձնելու օրվանից հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագոր մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում: